

ADDENDA DE MODIFICACIÓN DO CONVENIO DE COLABORACIÓN ENTRE A CONSELLERÍA DO MAR E A UNIVERSIDADE DE VIGO PARA A IDENTIFICACIÓN E MARCAXE SELECTIVA DE LARVAS DE MEXILLÓN MEDIANTE ANTICORPOS MONOCLONAIS.

Dunha parte, Dona Marta Villaverde Acuña, Conselleira do Mar, nomeada polo Decreto 35/2025, de 4 de xunio (DOG n.º 106 do 5 de xuño de 2025), en virtude das facultades recoñecidas polo artigo 34 da Lei 1/1983, do 22 de febreiro, de normas reguladoras da Xunta e da súa presidencia.

Doutra parte, don Manuel Joaquín Reigosa Roger, Reitor Magnífico da Universidade de Vigo, nomeado polo Decreto da Comunidade Autónoma de Galicia 110/2022, do 9 de xuño, publicado no Diario Oficial de Galicia (DOG) n.º 117, do 20 de xuño de 2022, de acordo coas competencias que lle outorga o artigo 50 da Lei orgánica 2/2023, do 22 de marzo, do sistema universitario, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG n.º 38, do 22 de febreiro do 2019. Con enderezo en Edificio Exeria, campus universitario, 36310 Vigo.

Interveñen en función dos seus respectivos cargos e no exercicio das súas facultadas que, para convir no nome das Entidades que representan, teñen conferidas.

EXPOÑEN

PRIMEIRO. Que a Lei 14/2011, de 1 de xuño, da Ciencia, a Tecnoloxía e a Innovación establece un marco de referencia para promover a colaboración entre os axentes públicos e privados do Sistema Español de Ciencia, Tecnoloxía e Innovación, co fin de dar unha resposta eficaz as esixencias do cambio tecnolóxico e de desenvolvemento económico sostible, de maneira que, de acordo co artigo 34.1 da citada Lei, prevese a posibilidade de celebrar convenios de colaboración suxeitos ao dereito administrativo, ben os propios axentes públicos entre si, ou estes con axentes privados que realicen actividades de investigación científica e técnica, xa sexan nacionais, supranacionais ou estranxeiros, co fin de realizar conxuntamente diferentes actuacións como, entre outros, proxectos e actuacións de investigación científica, desenvolvemento ou innovación.



SEGUNDO. A Estratexia de Especialización Intelixente (RIS3) de Galicia 2021-2027 define o marco das políticas de investigación e innovación na Comunidade Autónoma para este período. Como instrumento de planificación operativa para a súa implementación entre 2025 e 2027, a Xunta de Galicia desenvolveu o Plan galego de investigación e innovación 2025-2027.

Este convenio enmárcase dentro da RIS3 de Galicia 2021-2027, aliñándose co reto 1 (modelo de xestión de recursos naturais e culturais baseados na innovación) e coa prioridade 1 (sostibilidade). Así mesmo, contribúe ao obxectivo estratéxico 1, integrándose no programa Integra da RIS3 e no programa Coñecemento do Plan galego de investigación e innovación 2025-2027.

TERCEIRO. Que á Dirección Xeral de Pesca, Acuicultura e Innovación Tecnolóxica da Consellería do Mar correspóndelle exercer, entre outras, as funcións de dirección e coordinación das competencias e funcións en materia de ordenación pesqueira en augas interiores e acuicultura, segundo o disposto no Decreto 50/2021, do 11 de marzo, polo que se aproba a estrutura orgánica da Consellería do Mar (DOG nº 58, do 26 de marzo), e polo presente convenio quere dar apoio ás actividades de investigación e desenvolvemento relacionadas coa identificación de larvas de mexillón con anticorpos monoclonais, como medio para obter información da presenza e abundancia larvaria para cada unha das estacións, indicando a cantidade de larvas por unidade de volume e mostraxe, e a cantidade de larvas en cada un dos estadios larvarios presentes nas mostraxes.

CUARTO. Que a Universidade de Vigo é unha entidade de dereito público que desenvolve actividades de formación, investigación e desenvolvemento científico e tecnolóxico, interesada en colaborar cos sectores socio-económicos e as institucións públicas para asegurar un dos seus fins da formación e da investigación, que é a valorización e a transferencia do coñecemento ao servizo da cultura. Para o mellor cumprimento dos seus fins, a Universidade de Vigo manterá relacións con centros de investigación e con institucións culturais e sociais, e impulsará a celebración de convenios de investigación con entidades e organismos públicos e privados, así como de contratos para a realización de traballos de carácter científico, técnico ou artístico.



QUINTO. Con data 15/11/2023 asinouse o Convenio de colaboración entre a Consellería do Mar e a Universidade de Vigo para a identificación e marcaxe selectiva de larvas de mexillón mediante anticorpos monoclonais.

SEXTO. A Comisión de Seguimento, establecida na cláusula sexta do convenio, reúnese o 15/07/2025. A reunión da comisión tiña como obxecto tratar, como único punto da Orde do día, o seguimento do convenio e a solicitude de modificación por novas necesidades.

Segundo se recolle na acta da comisión:

"Ao longo destes meses de execución do plan de traballo, definido no Anexo 1 de dito Convenio, tense producido diversas circunstancias que xustifican e fan necesario unha modificación, en aras de conseguir uns resultados óptimos:

- 1. Por unha banda, o plan de traballo establece que a UVIGO comprométese a realizar as tarefas sobre o traballo de campos e os informes ata o 30 de xuño de 2026. Sen embargo, a cláusula 9 do convenio establece, como data límite de realización de gastos e pagos, o día 30 de xuño de 2026. Tendo en conta que hai determinados gastos (IRPF, Seguridade Social, ...) que por lei se pagan ao mes seguinte, esta situación provocaría que parte dos custos de persoal do mes de xuño non fosen elixibles.*

Por iso, solicítase a ampliación do período de gasto e pago ata o 31 de xullo de 2026, quedando a data límite para a presentación de documentación xustificativa o 31/08/2026 e un aumento no orzamento, no concepto de persoal, de 5.988,20 euros para o ano 2026.

- 2. O traballo de campo na recollida de mostras foi máis agresivo do esperado (aumentando de 4 a 7 puntos de recollida) co material empregado para as mesmas (principalmente, mangas, medidores de profundidade e fluxómetros). Debido a estas condicións, e ao deterioro causado por elas, foi necesario renovar parte deste material.*

Ademais, a cantidade de mostras recollidas require traballo de laboratorio adicional. Está motivado pola necesidade de levar a cabo unha nova produción de anticorpos monoclonais, o que implica diferentes tarefas: desconxelación celular, clonación por dilución limítante, expansión e reclonación, caracterización mediante unha técnica ELISA (ensaio inmunosorbente enzimático) tipo sándwich, para confirmar a presenza de anticorpos monoclonais e cuantificar a súa produción, así como a purificación inmunocromatográfica de dous anticorpos e, finalmente,



re conxelación para o seu posterior uso en inmunofluorescencia. Todas estas tarefas implican a compra de consumibles e reactivos de laboratorio: material plástico, placas de ELISA, anticorpos monoclonais secundarios, columnas de inmuoafinidad, por un importe de 3.500 euros. Polo tanto, solicítase un aumento no orzamento, no concepto de material funxible, de 3.500 euros no ano 2026.

De conformidade ao exposto, a Comisión de Seguimento acordou modificar o convenio nestes termos, polo que, as partes acordan a subscrición da presente Addenda ao devandito convenio, de acordo coas seguintes:

CLÁUSULAS

Primeira.- Obxecto

O obxecto da presente Addenda do Convenio de Colaboración entre a Consellería do Mar e a Universidade de Vigo para a realización, por parte do Departamento de Bioquímica, Xenética e Inmunoloxía da Universidade de Vigo, do proxecto para o estudo de identificación e marcaxe selectiva de larvas de mexillón mediante anticorpos monoclonais, é modificar as cláusulas sétima, oitava e novena do citado convenio

Segunda.- Modificación cláusula sétima.

O primeiro parágrafo da cláusula sétima "financiamento" queda coa seguinte redacción:

O importe total das achegas previstas no convenio por parte da Consellería do Mar á Universidade de Vigo ascenden a un total de douscentos vinte sete mil trescentos noventa euros con sete céntimos (227.390,07 €), coa seguinte desagregación por anualidades: oitenta e seis mil trescentos trinta e dous euros con tres céntimos (86.332,03 €) no ano 2024; oitenta e dous mil duascientas corenta e tres euros con sesenta e seis céntimos (82.243,66 €) no ano 2025 e cincuenta e oito mil oitocentos catorce euros con trinta e oito céntimos (58.814,38 €) no ano 2026, que se financiarán con cargo á aplicación orzamentaria 16.02 723A 641.0, código de proxecto 2023 00242 dos orzamentos xerais da Comunidade Autónoma de Galicia.

Terceira.- Modificación cláusula oitava

O punto 2 b) e c) da cláusula oitava "xustificación" queda coa seguinte redacción:



...

b) Declaración asinada polo responsable de recursos humanos cos importes mensuais de retencións do IRPF dos traballadores dedicados ás actividades do programa, acompañada dos modelos 111 e dos seus correspondentes xustificantes bancarios. Nos documentos correspondentes a cotas liquidables con posterioridade á data de xustificación prevista no convenio para os anos 2024 e 2025, o importe considerarase xustificado coa presentación da citada declaración, quedando a entidade beneficiaria obrigada a presentar os documentos acreditativos da súa liquidación antes de finalizar o mes seguinte ao que o beneficiario lle corresponda liquidar eses gastos. Para o ano 2026, a data límite de execución (realización de gastos e pagos) será o 31 de xullo de 2026.

c) Boletíns de cotización á Seguridade Social e os seus xustificantes de pagamento. Nos documentos correspondentes a cotas liquidables con posterioridade á data de xustificación para os anos 2024 e 2025, as entidades quedarán obrigadas a presentar os documentos acreditativos da súa liquidación antes de finalizar o mes seguinte ao que o beneficiario lle corresponda liquidar eses gastos. Para o ano 2026, a data límite de execución (realización de gastos e pagos) será o 31 de xullo de 2026.

Cuarta.-Modificación cláusula novena.

A cláusula novena "períodos de execución e xustificación" queda coa seguinte redacción:

Tanto a memoria de actividade científico-técnica do punto 1, como a memoria económica coa xustificación dos gastos incorridos no período de xustificación do punto 2, presentaranse dentro dos seguintes prazos:

	ANO 2024	ANO 2025	ANO 2026
Período de realización de gastos e pagos	1/12/2023 - 30/11/2024	1/12/2024 - 30/11/2025	1/12/2025 - 31/07/2026
Data límite presentación documentación xustificativa	12/12/2024	12/12/2025	31/08/2026

Previo ao aboamento que corresponda, certificarase polo responsable do proxecto que os traballos realizados se axustan ao previsto no presente convenio.



Quinta.-

En todo o non nomeado expresamente pola presenta Addenda, seguirá en vigor o disposto no Convenio

En proba de conformidade, asinan por duplicado o presente documento

A Conselleira do Mar

O reitor da Universidade de Vigo

Marta Villaverde Acuña

Manuel Joaquín Reigosa Roger





MODIFICACIÓN DO ORZAMENTO - CLÁUSULA SÉTIMA. FINANCIAMENTO

	1ªANUALIDADE (1/12/2023-30/11/2024)	2ªANUALIDADE (1/12/2024-30/11/2025)	3ªANUALIDADE (1/12/2025-31/07/2026)	SUMA
Persoal	70.483,66 €	70.566,96 €	47.092,11 €	188.142,73 €
Material funxible	6.000,00 €	4.200,00 €	6.375,51 €	6.575,51 €
Equipamento inventariable (noria, ordenador, etc.)	2.000,00 €	0,00 €	0,00 €	2.000 €
Gastos Xerais 10 %	7.848,37 €	7.476,70 €	5.346,76 €	20.671,83 €
TOTAL	86.332,03 €	82.243,66 €	58.814,38 €	227.390,07 €

